


**DARI  
HATI KE HATI**



**Oleh:  
CHAN TSE  
YUEN**

SEKALI lagi Presiden UMNO, Datuk Seri Dr. Mahathir Mohamed menunjukkan stail dan kemahiran permainan politiknya yang "tidak mengeluarkan kad mengikut peraturan" dan seterusnya mengejutkan semua pihak apabila dalam ucapan mengguling perbahasan di Perhimpunan Agung Ahad lalu (30.10.88) secara terbuka beliau telah menawarkan jawatan Menteri Tanpa Portfolio kepada dua orang

tokoh kumpulan UMNO 46 iaitu, Tengku Razaleigh Hamzah dan bekas Timbalan Presiden UMNO Datuk Musa Hitam.

Sebelum menamatkan ucapannya, Datuk Seri Dr. Mahathir dengan nada yang agak 'berat' dan serius meminta maaf dari para perwakilan supaya tidak marah terhadapnya dan berhenti sejenak sebelum mengeluarkan 'pengumuman sensasi'nya dengan berkata: "Demi perpaduan orang Melayu dan UMNO, saya menawarkan jawatan Menteri Tak Berportfolio kepada Tengku Razaleigh dan Datuk Musa Hitam."

Ini telah diterima dengan tepukan gemuruh daripada perwakilan yang sambil memekik "Hidup Mahathir". Pada hari yang sama media massa yang paling berkesan dan berpengaruh dalam dunia moden ini, iaitu TV dan Redio masing-masing memberi liputan tentang "tawaran sejarah" Mahathir itu. Dan pada hari keesokannya dalam "headline mereka."

Pada masa rencana ini ditulis, Datuk Musa Hitam telah mengumumkan pendiriannya terhadap tawaran tersebut. Beliau menolak jawatan Menteri Tak Berportfolio dengan memberikan alasan bahawa "baginya bukan tempat dan jawatan tinggi yang diperjuangkan tetapi apa yang diperjuangkannya ialah budaya politik dan semangat yang ditaja oleh UMNO asal pada tahun 1946 dan dihayati oleh

# STAIL DAN KEMAHIRAN POLITIK MAHATHIR

semua ahli UMNO tulin. Beliau menambah, jawatan Menteri itu tidak berkaitan dengan perpaduan Melayu, "Rakan seperjuangan" beliau Tengku Razaleigh Hamzah masih berdiam diri. Sementara itu beberapa orang lagi kerabat Datuk Musa Hitam juga telah memberi pandangan yang nagetif terhadap tawaran tersebut. Bekas Perdana Menteri Tunku Abdul Rahman menyifatkan tawaran itu sebagai "satu penghinaan" dan enggan melebar. Anak buah Musa, Datuk Shahrir Abdul Samad pula menganggap tawaran dari Datuk Seri Dr. Mahathir itu adalah satu muslihat politik sahaja.

Kita kelihatan satu gambaran di mana Datuk Seri Dr. Mahathir cuma mengeluarkan satu "kad" sahaja dalam pergerakan terbaru beliau, tapi terdapat interpretasi yang berlainan tentangnya. Dari laporan media massa, kebanyakan reaksi memberikan pandangan bahawa tawaran Datuk Dr. Mahathir itu merupakan langkah yang positif dan ikhlas. Dan bagi orang-orang yang menentang Datuk Seri Dr. Mahathir terutamanya penyokong UMNO 46, pula berpendapat ianya hanya satu "jerat" yang disediakan oleh Presiden parti.

Pada hemat saya, pergerakan terbaru Datuk Seri Dr. Mahathir itu adalah mempunyai kedua-dua unsur tersebut. Dengan lain perkataan saya, percaya beliau memang jujur dalam membuat tawaran tersebut, bagaimanapun beliau berbuat demikian kerana ia berselaras dengan strategi dan perancangan beliau untuk mencapai matlamat terakhir, iaitu menamatkan krisis parti UMNO dan memulihkan perdamaian serta perpaduan masyarakat Melayu dan juga memperkukuhkan kestabilan mereka, (tentu juga untuk kestabilan kepimpinan beliau sendiri.)

Saya berpendapat, tawaran tersebut adalah diperbuat mengikut perancangan strategi yang dikawal rapi oleh Datuk Seri Dr. Mahathir sendiri. Dalam hubungan ini, saya kira tidak lebih dari dua atau tiga orang kanannya berpeluang mengongsi pengetahuan "rahsia tertinggi" itu dengan beliau. Walaupun saya mengaku tawaran (jawatan Menteri kepada Ku Li dan Musa) itu adalah luar dari dugaan "hampir kesemua pemerhati politik", namun jika kita merenung kembali, memang ada tanda-tanda

membayangkan kemungkinan pergerakan terbaru itu. Dalam pada ini, undangan terbuka oleh Datuk Seri Dr. Mahathir kepada Tengku Razaleigh dan Musa pada pertengahan bulan sudah merupakan perbuatan menguji arah angin.

Pada hakikatnya, jawatan Menteri Tak Berfolio itu adalah ditawarkan kepada dua orang tokoh politik yang menentang pimpinan Mahathir, malah masa ini (mungkin penyertaan sebagai ahli parti itu adalah pra-syarat tidak diketahui dan juga tidak digagaskan oleh sesetengah orang yang pasti memikirkan ianya tidak berlojik. Memang benar negara ini yang telah arif mengetahui Datuk Seri Dr. Mahathir sebagai seorang yang tidak mudah pasrah, tiba-tiba boleh melenturkan dirinya dengan memberi "carrot" kepada lawan. Ini sukar difahamkan!

Tapi jika dikaji dengan lebih teliti, baikpun kawan atau lawan, sama-sama terpaksa mengaku kehandalan permainan perancangan politik Datuk Seri Dr. Mahathir.

Tidak dapat dinafikan bahawa "serangan perdamaian" yang diperbuat pada saat-saat akhir (beberapa hari sahaja) sebelum hari perbuangan undi di pilihanraya kecil Parit Raja sedikit sebanyak telah membawa kesan yang menguntungkan calon Barisan Nasional; dan begitu juga kita telah menyaksikan selepas tawaran kerusi Menteri itu diumumkan, lantas Datuk Seri Dr. Mahathir telah mengubah situasi dalam pertelagahan parti itu. Pendek kata, beliau telah "turned the table against UMNO 46" di mana scenario sekarang lebih memihak kepada UMNO (Baru), satu keadaan yang jauh berbeza dengan keadaan selepas pilihanraya kecil Johor Bahru. Hanya dua minggu lalu, tiada orang berani meramalkan Datuk Seri Dr. Mahathir terdaya mengubah situasi yang lebih berpihak kepada 'Semangat 46' itu dalam masa yang singkat, lebih-lebih lagi dengan gaya yang

begitu mudah sekali? Kesimpulan, dari bersusah payah bertahan, sekarang UMNO telah menukar posisi dan menjadi penyerang dan sedang perlahan-lahan menambahkan tekanan ke atas pihak lawan dalam evolusi yang tersirat.

Buat masa sekarang ini, kumpulan UMNO '46 terpaksa "membela" diri mereka dari kecaman dari pelbagai pihak (dibantu oleh media massa yang dikontrol atau dipengaruhi oleh UMNO supaya menyangkal tuduhan "orang yang memecahbelahkan perpaduan Melayu"). Sekurang-kurangnya buat seketika ini, kumpulan ini tidak sempat untuk mengatur serangan kerana sibuk bertahan. Yang ketara sekali ialah kedengaran lagi rancangan untuk mengadakan pilihanraya kecil yang begitu hangat diperkata-katakan dan dikahabar-kahabarkan buat sedikit masa dahulu.

Ucapan Datuk Seri Dr. Mahathir di Perhimpunan Agung yang disiarkan secara langsung melalui TV Malaysia telah memberi peluang kepada UMNO untuk membatalkan tuduhan-tuduhan yang dilemparkan oleh pihak penentang. Publisiti tentang perbahasan dalam Perhimpunan Agung kali ini yang diberi liputan yang meluas oleh hampir semua media massa dan diperkemuncakkan dengan tawaran dari Presidennya merupakan satu tiupan taufan "blacking out" Semangat 46, mematahkan irama dan rancangan mereka.

Tidak mengira apa motif sebenarnya Datuk Seri Dr. Mahathir dalam tawarannya itu, kepada Tengku Razaleigh dan Datuk Musa Hitam, ia adalah umpama yang bisa yang tidak boleh ditelan. Salah seorang pemimpin UMNO 46, Haji Ibrahim Ali telah berjanji akan menghantar "buah langsung manis" kepada kedua-dua tokoh itu sekiranya mereka berdua menerima tawaran yang dihulurkan. Apa maksudnya buah langsung manis, tidak diterangkan tapi dari nada percakapan Haji Ibrahim, ia jelas telah membayangkan delima UMNO 46, terutamanya Tengku Razaleigh Hamzah dan juga Datuk Musa Hitam kerana tawaran dari Datuk Seri Dr. Mahathir. Jika tidak mahu menerima, mereka akan dituduh sebagai orang yang tidak mahu menerima, mereka akan dituduh sebagai orang yang tidak mahu melihat perpaduan Melayu dicana.